

Ո Ր Ո Շ ՈՒ Մ N 178

/վարչական տույժ նշանակելու մասին/

«16» դեկտեմբերի 2021թ.

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, ուսումնասիրելով «ԿՐԻՍՏԱԼԼ» ՍՊԸ-ի տնօրեն Ռոմա Բորիկի Կարապետյանի (նույն.քարտ՝ 003016359, Սյունիքի մարզ, ք.Ագարակ, Աբովյան փողոց, տուն 8Ա) կողմից «Ներքին սպառման համար բացթողում» մաքսային ընթացակարգով թիվ 05100040/131121/0004238 ապրանքների հայտարարագրով հայտարարագրված ապրանքների վերաբերյալ փաստաթղթերը.

Պ Ա Ր Զ Ե Ց Ի

«ԿՐԻՍՏԱԼԼ» ՍՊԸ-ի անվամբ թիվ 05100040/131121/0004238 ապրանքների հայտարարագրով հայտարարագրված ապրանքների համար հաշվարկված ավելացված արժեքի հարկի, մաքսատուրքի, բնապահպանական հարկի վճարումները կատարվել են սահմանված ժամկետից 4 /չորս/ օր ուշ, իսկ պետական տուրքի վճարումը /հիմք՝ 23.11.2021 թվականի թիվ 184 մտից համարով զեկուցագիր/ կատարվել են սահմանված ժամկետից 5 /հինգ/ օր ուշ:

Հայաստանի Հանրապետության Պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 18.11.2021 թվականին «ԿՐԻՍՏԱԼԼ» ՍՊԸ-ի տնօրեն Ռոմա Բորիկի Կարապետյանի նկատմամբ կազմվել է վարչական իրավախախտումների վերաբերյալ արձանագրություն:

«ԿՐԻՍՏԱԼԼ» ՍՊԸ-ի տնօրեն Ռոմա Բորիկի Կարապետյանը, 06.12.2021 թվականի ժամը 15:00-ին նշանակված գործի քննության մասին ծանուցագիրը չի ստացել, այդ պատճառով գործի քննությունը հետաձգվել է և նշանակվել է 16.12.2021 թվականին ժամը 11:00-ին:

Վարչական վարույթի շրջանակներում հարցումներ են կատարվել ՀՀ կադաստրի կոմիտե՝ Ռոմա Բորիկի Կարապետյանի անվամբ գրանցված գույքի վերաբերյալ տեղեկատվություն ստանալու նպատակով և ՀՀ Ոստիկանության անձնագրային և վիզաների վարչությանը՝ Ռոմա Բորիկի Կարապետյանի հաշվառման վայրի վերաբերյալ տեղեկատվություն ստանալու նպատակով:

ՀՀ կադաստրի կոմիտեից տեղեկատվություն են տրամադրել առ այն, որ Ռոմա Բորիկի Կարապետյանի անվամբ ՀՀ տարածքում անշարժ գույքի նկատմամբ իրավունքի պետական գրանցում կատարված չէ:

ՀՀ Ոստիկանության անձնագրային և վիզաների վարչությունից տեղեկատվություն են տրամադրել առ այն, որ Ռոմա Բորիկի Կարապետյանը 23.04.1996

թվականից հաշվառված է Սյունիքի մարզ, ք.Ագարակ, Աբովյան փողոց, տուն 8Ա հասցեում:

«ԿՐԻՍՏԱԼԼ» ՍՊԸ-ի տնօրեն Ռոմա Բորիկի Կարապետյանը գործի քննության անցկացման վայրի և ժամանակի մասին փոստով պատշաճ կարգով ծանուցվել է, սակայն չի ներկայացել հրավիրված քննությանը և գրավոր որևէ բացատրություն կամ դիրքորոշում չի ներկայացրել:

ՀՀ Հարկային օրենսգրքի 78-րդ հոդվածի 5-րդ մասի համաձայն.

«Բաց թողնում՝ ներքին սպառման համար» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Բաց թողնում՝ ներքին սպառման համար» մաքսային ընթացակարգով ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմնին վճարվող գումարներ:

«Մաքսային կարգավորման մասին» ՀՀ օրենքի 100-րդ հոդվածի 1-ին կետի համաձայն մաքսային ընթացակարգերի շրջանակներում պետական տուրքերը պետք է վճարվեն հայտարարագիրը ներկայացնելուն զուգահեռ:

«Վճարման հանձնարարականով միջոցների փոխանցումների մասին» ՀՀ օրենքի 2-րդ հոդվածի համաձայն.

Վճարման հանձնարարականով միջոցների փոխանցումը (այսուհետ՝ միջոցների փոխանցում) վճարողի կողմից վճարման հանձնարարականի ներկայացմամբ սկսվող՝ դրանում նշված շահառուին նախատեսված գումարը վճարելու նպատակով իրականացվող հաջորդական գործողությունների համակցություն է: Միջոցների փոխանցումը ներառում է վճարողի վճարման հանձնարարականը կատարելու նպատակով վճարողի բանկի կամ միջնորդ բանկի կողմից հաջորդ բանկին ուղարկված վճարման հանձնարարականը: Միջոցների փոխանցումն ավարտվում է շահառուի բանկի կողմից շահառուի օգտին վճարողի վճարման հանձնարարականի ակցեպտավորմամբ:

«Վարչական իրավախախտումների վերաբերյալ» ՀՀ օրենսգրքի 34-րդ հոդվածի 2-րդ մասի համաձայն.

Վարչական իրավախախտման համար պատասխանատվությունը ծանրացնող հանգամանքներ են համարվում՝ մեկ տարվա ընթացքում կրկին անգամ նման իրավախախտում կատարելը, որի համար անձն արդեն ենթարկվել է վարչական տույժի:

Հարավային մաքսատուն-վարչության պետի կողմից Ռոմա Բորիկի Կարապետյանը 18.10.2021 թվականի թիվ 135, 136, 137, 25.10.2021 թվականի թիվ 144, 15.11.2021 թվականի թիվ 164, 165, 166, 16.12.2021 թվականի թիվ 177 որոշումներով «Վարչական

իրավախախտումների վերաբերյալ» ՀՀ օրենսգրքի 170³ հոդվածով ենթարկվել է վարչական պատասխանատվության:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «ԿՐԻՍՏԱԼԼ» ՍՊԸ-ի անվամբ ՀՀ ներմուծված ապրանքները հայտարարագրվել են թիվ 05100040/131121/0004238 ապրանքների հայտարարագրով, որով առաջադրված ԱԱՀ-ի, մաքսատուրքի, պետական տուրքի վճարումները սահմանված ժամկետում չեն կատարվել, ինչով պայմանավորված «ԿՐԻՍՏԱԼԼ» ՍՊԸ-ի տնօրեն Ռոմա Բորիկի Կարապետյանի կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Ռոմա Բորիկի Կարապետյանին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **20000 ՀՀ դրամի** չափով:
2. Որոշման մասին հայտնել Ռոմա Բորիկի Կարապետյանին:
3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Հարկադիր կատարումն ապահովող ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է. **900005024055՝ 20000 ՀՀ դրամ,** նշել **30 կողք:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ

ՊԵՏԻ ԺԹՊ



ԱՐՏԱՇԵՍ ՂԱՄԲԱՐՅԱՆ